

置矣

師古曰都猶總也言總護南北之道

僮僕都尉由此罷匈奴益弱不

得近西域於是徙屯田於北胥鞬

師古曰胥鞬地名也胥音先餘反鞬

音居言反披莎車之地

師古曰披分也

屯田校尉始屬都護都護督

察烏孫康居諸外國

師古曰督視也

動靜有變以聞可安輯安

輯之可擊擊之

師古曰輯與集同

都護治烏壘城

宋祁曰烏壘下監本有

孫字去陽關二千七百三十八里與渠犂田官相近土地

肥饒於西域為中故都護治焉至元帝時復置戊己校

尉屯田車師前王庭是時匈奴東蒲類王茲力支將人

眾千七百餘人降都護都護分車師後王之西為烏貪

訾離地以處之自宣元後單于稱藩臣西域服從其土